

新立心格

錢

穆

題



ME
I226
560

新
立
心
穆
題
穆



3 2285 3267 1

序

余既以新亞書院諸生所爲歌詩請於校長錢公副校長吳公付剗剗俾資觀摩廣播傳乃集諸生而詔之曰若知吾國詩學衰敝所自乎自國家搶攘以還妄人不學務立異爲名高恣其謬說以爲吾國文學久而不知變乃倡爲市井鄙俚不經之語以爲詩而祇敬之曰此新體足以諧俗也抑知詩之爲道本性情發忠愛裨政教移風俗其體至尊其用至廣其事非甚易非可執途人而強以必能家喻而戶說之也且吾自四言而五七言古體而今體而詞而曲未嘗不變也而其變之故則好奇也好勝也好難也好奇則另闢戶牖矣好勝則自爲宗祖矣好難則大試身手矣蓋愈變而愈進而益難非若今之號爲新體者雜累詭異鄙淺不通之詞以成篇乃以爲泰西之芳軌而泰西之歌詩彼乃未嘗一寓目也斯真所謂詩道陵夷者矣安足爲世則哉謬說既滋其流毒乃不可勝窮而二三俗師奮其不學之躬欲起而與之角其不足符妄人之口亦固其所甚有不諳綴句而妄次詩史不通聲律而高談詞學恣其狂瞽之說乃幾於歷詆並世名碩以爲卑卑不足道以自高其聲價以爲可欺天下而觀其所作其淺鄙妄陋乃去所謂新體不遠微特通人傾彥目笑而存之上岸之秀亦羣起而譁之矣而彼猶夷然若無其事而茂異之士爲所壓抑摧損以卽于萎敗而莫之拯也豈不哀哉然則何適而可曰亦惟排謬說斥俗師以絕其源示正鵠發真蘊以端其本鼓其氣莫之遏也引其趣掖之進也拔其尤加以磨礱也詩道雖難知所從入之途致力之方非甚難事也諸生比者能成詠矣其高者足以俯視時彥矣惟詩之爲道至廣其用至弘勿以一得自畫一技自銜當求所以本性情發忠愛裨政教移風俗者探其本而不徒爭字句之奇文詞之美苦心深思岸然獨立以求古人立言之旨而從之庶幾詩教可復興于今日而謬說俗師乃可一鼓盪掃剗絕盡也諸生勉乎哉

福州曾克崙

例言

- 一 本編爲新亞書院學詩諸生之作故定名爲新亞心聲
- 二 本編錄自二年級至畢業修歷代詩選諸生之作前後約計三年
- 三 本編所錄各詩皆經主講教授改竄審定
- 四 其經改竄者如麥仲貴詠海原句「潮聲無月湧橋影有鐙浮」改「無」爲「千」改「有」爲「一」又如鄺健行春雨原句「好趁小舟隨水去披簾戴笠下橫塘」易「披簾戴笠」爲「一天春雨」頓然改觀此例甚多不勝枚舉
- 五 其經審定者如鄺健行梅窩紀遊咏竹各篇能學大謝昌谷聲色逼肖如司徒天正詠海之「殘山烟霧裏點點是鄉關」陳聘珍詠月之「江干今夜明空惹離人淚」等一字不易妙契古人此例亦多舉不勝舉
- 六 本編擬繼此續刊爲二三集以至無限故本編題爲第一集

新亞心聲作者表

姓名	年齡	籍貫	系級
黃漢立	二十三	廣西蒼梧	中文系畢業
陳聘珍	二十三	廣東南海	中文系畢業
李超文	三十	廣東番禺	中文系畢業
江紹德	二十五	廣東寶安	中文系畢業
張金榮	二十六	北平市	中文系畢業
陳紹棠	二十七	廣東番禺	中文系畢業
劉繩安	二十四	廣東東莞	中文系畢業
李潔儀	二十三	廣東台山	中文系畢業
李學銘	二十四	廣東三水	中文系畢業
楊楠	三十	江蘇鎮江	經濟系畢業
譚乃亢	二十二	廣東開平	中文系四年級
陳鈞賢	二十二	廣東南海	中文系四年級
林炳昌	二十三	廣東台山	中文系四年級
洪淑琴	二十四	福建南安	中文系四年級
司徒天正	二十六	廣東開平	中文系四年級

姓名	年齡	籍貫	系級
曾省	二十一	廣東梅縣	中文系四年級
陳熾	二十八	廣東順德	中文系四年級
麥慕貞	二十二	廣東順德	中文系四年級
陸慶珍	二十二	廣東高要	中文系四年級
陳國濱	二十八	廣東南海	中文系四年級
麥仲貴	二十四	廣東台山	中文系四年級
黃漢超	二十四	廣東台山	中文系四年級
羅啓秀	二十三	廣東南海	中文系四年級
張泰昌	三十六	廣東南海	歷史系四年級
何金蘭	二十二	廣東南海	哲社系四年級
廖鉅林	二十五	廣東南海	中文系三年級
陳漢忠	二十三	廣東番禺	中文系三年級
麥煒錦	二十二	廣東中山	中文系三年級
鄺健行	二十四	廣東台山	中文系三年級
郭惠冰	二十五	廣東番禺	中文系三年級

姓名	年齡	籍貫	系級
謝英東	二十四	廣東梅縣	中文系三年級
陳志誠	二十二	廣東順德	中文系三年級
植柏榮	二十三	廣東南海	中文系三年級
鍾寶合	二十四	廣東東莞	中文系三年級
何寶嫻	二十三	廣東南海	中文系三年級
龍頌祥	二十五	廣東實安	中文系三年級
黃月弟	二十三	廣東實安	中文系三年級
劉智輝	二十三	廣東惠陽	中文系三年級
李燕	二十九	廣東汕頭	中文系三年級
何漢顯	二十二	廣東清遠	中文系三年級
黃寶葵	二十二	廣東潮陽	中文系三年級
潘正英	二十	福建龍溪	中文系三年級
駱鏗祥	二十二	廣東花縣	中文系三年級
白月桂	二十二	福建安溪	中文系三年級
蔡晉生	二十二	海南瓊山	中文系三年級
葉秀蘭	二十一	廣東博羅	中文系三年級
郭錦樵	二十二	廣東番禺	中文系三年級

新亞心聲

第一集

姓名	年齡	籍貫	系級
黃育順	二十二	廣東普寧	中文系三年級
袁沛生	二十五	廣東東莞	中文系三年級
梁沛錦	二十三	廣東東莞	中文系三年級
伍靜嫻	二十三	廣東台山	中文系三年級
陳長熾	二十六	福建閩清	中文系三年級
莫廣銓	二十五	廣東廣州	中文系三年級
莊秉	二十六	廣東陸豐	中文系三年級
杜志謙	二十四	廣東南海	中文系三年級
閻杏肩	二十三	廣東開平	中文系三年級
廖慧通	二十三	江西尋鄔	中文系三年級
杜逢漢	二十三	廣東南海	中文系三年級
張延寶	二十三	福建閩清	歷史系三年級
潘榆影	二十一	廣東開平	中文系二年級
黃雪璧	二十五	廣東番禺	中文系三年級
譚佩玲	二十二	廣東新會	中文系三年級
陳幼嫻	二十	廣東新會	中文系二年級
伍梅芳	二十三	廣東台山	中文系二年級

柒

新亞心聲 第一集

月

黃漢立

今夜清輝滿。深宵起獨看。思家萬里遠。憊我一
身單。烽火年年逼。園林處處殘。相思愁對汝。
清淚幾洶瀾。

司徒天正

明月起東山。清輝照兩間。愁懷當此夕。殘夢有
孤潛。作客人同慨。投荒意自閒。何年今夜月。
照我故鄉還。

曾省

萬籟無聲夜。中天玉蟾懸。山河餘破碎。景物故
依然。月下情難已。風前淚未乾。異鄉寒柝永。
離別又經年。

廖鉅林

窗前花弄影。庭際雪盈階。欲喚嫦娥酌。看吾到
海涯。
玉盤天上掛。觸我念佳人。何處芳踪是。思量獨
愴神。

新亞心聲 第一集

張泰昌

桂魄初生際。團團若水精。清光千古照。游子故
鄉情。

陳聘珍

秋月正凝艷。把酒共誰醉。江干今夜明。空惹離
人淚。

陳熾

銀漢羣星燦。寧如素影明。陰晴圓缺換。回首動
鄉情。

陳漢忠

夜上清虛闕。秋光冷紫閣。梅偷靈藥去。默默照
人歸。

麥婦娣

玉鏡吐晶瑩。嫦娥憶舊情。三生緣已了。愁對月
華明。

新亞心聲 第一集

邱健行

碧落微雲澹・何人獨倚樓・相思不相見・千古廣
寒幽・

郭惠冰

宮闕微雲洗・嫦娥一夢閒・爲憐塵夜暗・清影滿
人間・

謝英東

碧空雲影淡・殘月上西樓・只恨有圓缺・新愁引
舊愁・

陳志誠

仰望高天月・低思遠道人・同心傷地異・客淚欲
沾巾・

植柏森

秋色漸闌珊・更深悄倚欄・斷腸今夜月・何處是
鄉關・

鍾寶合

冷月閨中賞・殘燈伴淚痕・歌聲門外起・芳意滿
金尊・

二

何寶嫻

夜色明如水・風聲靜不鳴・舉頭雲淨洗・仙掌露
華清・

潘榆影

昨夜深宵裏・風聲覺夢寒・披衣閒獨倚・冷月照
欄干・

張廷寶

幾點繁星狀・一輪皓月凍・不須風輕吹・那用雲
來送・

龍頑祥

窗前獨夜望明月・少婦閨中愁未歇・戍邊夫婿猶
未歸・宵深淚落摩青髮・

黃月弟

月色迷濛更慘淒・去年慈母望兒歸・追思今夕悲
長近・何處相逢有夢飛・

劉智輝

孤鐙挑盡夢難成・起坐推窗見月明・桂影搖搖心
緒亂・寒砧隱隱帶故人聲・

李 燕

寒光侵夢客窗前。玉魄盈盈人未眠。却憶春閨初
破鏡。那堪秋月又團圓。
關山遙阻最心傷。秋水伊人各一方。月色不知離
別恨。夜深猶照向南窗。

李 超 文

誰將眉譜照秋蟲。楊柳枝頭伴曉風。銀漢朦朧霜
氣緊。懷愁未肯下梧桐。

何 湏 顯

微雲涼月照樓西。花影侵簾夜色迷。只爲愁多渾
不寐。非關別院夜烏啼。
姍娥催露入秋衣。枕冷衾寒夜漏微。明月不傳消
息至。清輝何事透羅幃。

黃 寶 琴

往事依稀半化煙。綺窗涼夜望寥天。神州破碎山
河改。忍見孤光天際圓。

菊 花

曾 省

黃昏弄影短籬邊。老圃沈香月夜傳。晚節相期秋
意冷。莫將傲骨付殘煙。

新 亞 心 聲 第 一 集

陶潛去後誰知己。草木無情今古同。海角徒揮他
日淚。籬邊惆悵話秋風。

梅 花

黃 漢 立

飛雪終宵下。羣山盡變蒼。凍雲銷百卉。寒蕊吐
孤芳。疏影疑浮動。幽情自激揚。圍爐傾美酒。
佳興日悠長。

麥 慈 貞

忽見寒梅樹。繁英倚粉牆。幽香來曲徑。疏影覆
方塘。愁作異鄉客。頻迴處士腸。不知風雨際。
飄落幾徬徨。

桃 花

陳 熾

窗外枝三兩。花開豔色鮮。無言情本淡。淺笑意
俱妍。人面知何去。仙源杳渺然。尊前閒雅味。
今夕問何年。

櫻 花

江 紹 德

櫻花開東園。粉豔映朝陽。寄語謝東風。纖影麗
紅妝。嬌態殘可掬。何所惜芳芬。夜來風雨至。
絕色嗟飄亡。餘枝開悽然。流涕望扶桑。適客千
里外。何日還故鄉。

陳 賦

四月櫻花放・嬌紅爛漫芳・遲開原不俗・無語笑人忙・

陳 聘 珍

豔色逾桃李・蓬島春雲媚・迎風舞一回・人在花前醉・

張 泰 昌

紅樹繽紛豔・亭亭風亂影・奇葩瀛島繁・遠客迷春嶺・

李 超 文

吉野山前發萬枝・九洲瀛島報春遲・欲追嬌杏傾城色・試借寒梅絕代姿・映日粉光團翠幘・含風春影映瓊墀・優優綠斷飛千瓣・猶記丹靄入畫時・

黃 漢 立

蓬萊仙種發・粉萼滿枝攢・常恐烈風至・飄零遍地殘・

譚 佩 珍

灼灼千瓊芳・淡妝吐暗香・煙籠花不語・仙種夢扶桑・

楊 楠

野徑花開豔大千・嫣紅嬌白惹人憐・蓬山便作仙葩看・總爲妍光勝杜鵑・

司徒天正

花國蓬山錦作堆・春殘猶自滿山開・多情粉類疑仙女・却怕蕭蕭夜雨來・

陸 慶 珍

蓬萊島上舞羣仙・粉暈脂痕意態妍・風過落紅千萬點・多情應爲惜嬋娟・

陳 國 漢

一樹紅葩似錦開・尋芳絡繹到蓬萊・仙顏明豔招春妬・賞罷猶思歲歲來・

曾 省

倩影繁華人書宜・扶桑春暖弄瓊姿・飄飛莫嘆韶華逝・落盡殘英實滿枝・

夾竹桃

黃漢立

綠葉笑春風。素顏點絳脣。隨風如擺柳。葉纖不
着塵。拂天挺高節。無言鬱遠神。

曾省

紅綠交相映。微風舞婆娑。艷借天桃發。清疑翠
篠摩。色態雖殊衆。等閒無蝶過。夜深人俱寂。
粉淚濕庭莎。傷心春漸老。奈茲風雨何。

譚佩玲

灼灼千瓊萼。娟娟倚粉牆。紅萼寂不語。隨風笑
斜陽。

陳熾

春風盡日催紅豔。雨壓烟籠姿更豔。花開花落年
復年。天涯客思寧能飲。

前人

粉光何艷冶。碧意鬱蕭騷。節勁摩修竹。神凝艷
碧桃。含烟描粉黛。映日醉醇醪。惆悵春將盡。
尋源我慕陶。

新亞心聲 第一集

陳紹棠

三春扇淑氣。催開夾竹桃。和風搖碧浪。紅豔輝
芳郊。非染啼鵲血。自驕棲鳳巢。紅棉不識恨。
天公共爭高。

李超文

春深常逐柳綿輕。棲鳳叢中見娉婷。好似武陵源
上望。離離密翠拂天青。

司徒天正

醉日相輝映。籠烟吐幾叢。無言憐瓣落。未忍掃
殘紅。

黃漢立

綠枝千畝秀。紅萼武陵辭。麗質堪怡悅。無如賞
者稀。

花

譚乃亢

寂寂小園中。花開滿院紅。靜看蜂蝶鬧。閑綴綺
綃叢。浩浩枝翻雪。蕭蕭葉捲風。良辰誰共賞。
零落酒杯空。

五

張泰昌

春光風日暖。紅紫競相嬌。盆際清香遠。籬間豔影搖。欲言難共語。把酒好相招。過客人生似。看花樂此朝。

陳鈞賢

東郊烟樹密。春水漲西池。玉蕊含羞吐。瓊枝抱恨滋。香隨風力逝。影伴月痕移。萬紫千紅燦。庭中樂自怡。

李超文

烟雨夢添涼。催花上苑章。翦將雲日爛。散作綺羅香。解語憐朝鏡。含情對晚妝。樓前春水滿。莫便賦沈湘。

陸履珍

綠葉輕盈舞。一枝獨吐馨。心心甜似蜜。點點颺如星。婀娜疑仙子。芳菲散野亭。花開又花落。回首惜娉婷。

陳聘珍

千樹繁花裏。鶯聲逐燕嬉。亭亭滋玉露。落落弄底鶯。

嬌姿。莫待春光老。空悲豔色衰。好攜尊酒去。芳宴啓瑤池。

潘正英

小雨凝朱豔。玉人鬢上依。晚風不相惜。片片送春歸。

麥婦娣

寂寂小園中。萬花相映紅。年光休老去。影舞醉春風。

駱鏗祥

春花百萬千。競買卜新年。紅白看爭豔。誰憐瓦缶邊。

陳幼嫻

寂寂荒園裏。寒梅獨自憐。休嗟人薄倖。孤夢影殘年。

鄭健行

昨宵風雨過。流水送殘英。獨立小樓上。愁聽葉底鶯。

劉智輝

深山人不見。幽谷聽泉鳴。清澗冷冷水。分明豔影橫。

白月桂

昨夜拈花別。今宵覺夢飛。癡情不可說。悽惻怨春歸。

陳志誠

春風催蕊笑。鬥豔弄瓊姿。蜂蝶爭相戀。春歸賸幾枝。

何寶桐

桃豔迷春逝。荷香送夏殘。村烟迷野岸。人語亂潭寒。

鍾寶合

春風滿院中。萬紫映千紅。美景誰同賞。白雲映碧空。

蔡晉生

日暖百花放。嬌姿獨占春。風姨不解事。隨水逐香塵。

新亞心聲 第一集

葉秀蘭

小樹紅花俏。含苞半似顰。風吹卽搖落。莫待折枝人。

潘榆影

瑟瑟寒風裏。紅梅倚樹嬌。誰言無伴侶。翠柏共昏朝。

葉紹炳

寒梅樹上花。寂寂影孤霞。不是無顏色。山深意自遐。

李燕

紅稀綠暗晚風前。病酒強來學謫仙。若問怎生魂斷了。江南微雨杏花天。

植柏泰

深閨怨婦不勝愁。猶憶花間撲蝶游。莫羨金瓶春日永。隨風試逐碧波流。

陳漢忠

枝上羣花豔色新。含苞待放欲嬌春。君如有意應憐我。莫作花時袖手人。

七

龍嶺祥

去夏蓮花吐蕊時。郎君不返賦相思。今朝緒雨新
浮豔。盼斷征人萬里書。

何金蘭

春光明媚衆芳圍。萬紫千紅門未關。客語遊人應
護惜。莫教零落後來看。

郭錦焄

萬紫千紅幽徑中。婀娜裊裊笑東風。鶯啼燕語隨
香散。爭踏枝頭春意濃。

何湏顯

東風染得滿園紅。弄影飄香月色中。萬卉繽紛瓊
化蝶。雙眠綠蕊夢應同。

李超文

凌寒一朵報春先。穩態凝香望若仙。燕蹴蝶憐渾
不解。却隨飛絮過秋千。

郭惠冰

嫣紫嫣紅香世界。羣芳吐豔錦官城。羞人解語瓊
英小。長願東風與護鈴。

柳

張金榮

青青溪邊柳。搖曳舞纖腰。春風一嗑拂。嫩綠換
舊條。異域驚春來。鄉心何蕭瑟。還家夢魂遠。
堤畔看飛飄。

譚佩玲

青絲飄揚去。暮鴉啼飛絮。送君上陽關。凄然無
一語。

李超文

何事閒愁入錦幃。隋堤烟鎖繫征騑。今宵客舍驚
聞笛。何日天涯試染衣。拂水最憐腰暗瘦。飛花
常妬夢能歸。黃鸝百轉無聊甚。一語從無到竹扉。

司徒天正

海隅三月柳婆娑。又見黃鸝宛轉歌。拂水長條嘶
雨密。沾泥飛絮晚風多。十年人事嗟千變。絕島
春光付獨哦。回首依依還似舊。夢中傷亂意如何。

夾岸垂楊綰落暉。嶺南三月雨霏微。如絲綺思隨風轉。似水華年逐絮飛。客裏閒愁餘獨吟。夢中故國竟何依。鳴蟬唱罷殘春盡。猶有啼鶯暮未歸。

參仲貴

柔條絲絲春風來。纖腰妙舞影徘徊。紗籠淡月魂猶恨。夢入章台人未回。柔腸一縷繞故國。橫塘往事嗟成灰。瀟陵春老忍攀折。飄零身世傷飛埃。

曾省

輕煙漠漠鎖黃昏。半拂朱牖半掩門。幾處飛花飄欲盡。數叢綠意悄無言。未堪夕照牽愁緒。不待秋風斷客魂。試問閨中紅粉婦。封侯孤夢可輕論。

陳聘珍

夾岸絲絲楊柳垂。含煙和雨兩迷離。可憐眉黛爭新樣。寄語東風着意吹。

新亞心聲 第一集

亭超文
眉譜新翻刻意描。鵝黃淺碧鬥纖腰。柔絲千尺長亭畔。每恨征人折嫩條。

陳城

千條細柳綰斜暉。弱絮隨風入繡幃。惆悵年年攀折苦。征人何日賦當歸。

張泰昌

萬縷千條拂地垂。鶯啼蟬噪拂柔絲。依依惜別風前舞。似與離人約後期。

黃漢立

柔絲拂水舞娉婷。隱約離歌陌上聽。不解行人攀折苦。滿橋顏色自青青。

陳國濱

池柳初青換舊條。隨風舞折小蠻腰。青山蹙黛凝烟雨。嬌娜嬌慵學步搖。

曾省

東風吹綠陌頭柳。孤客天涯幾度春。莫與韶華共憔悴。等閒飛絮化輕塵。

九

竹

鄭健行

幽谷幾回鳳凰死。翠筠長蓋半溪水。流泉脈脈動
文光。帝子千年淚不止。九嶷瀟湘景陰冥。况復
無聲日向暮。箛簫石根起濃雲。黛色森森繞愁霧
。坐對洞堂盈幽趣。飄飄涼颼神靈雨。李生骨重
神清寒。掉頭豹隱棄峨冠。每詠楚辭多嗚咽。跳
足扶醉染青竿。俗人嗤嗤無解意。凝愁滿幅見肺
肝。

何須顯

亭亭玉柯臨風嬉。瀟瀟參差心神怡。室外試種千
梢綠。羽扇棄捐不復持。散影斑駁侵几案。影落
晴窗生涼颼。帶月幽姿動清興。拂雲逸態醒詩脾
。瓊瑤瑤枝凌秋露。蒼蒼秀色奪春姿。飄零誰識
君子志。清操自惹衆芳嗤。吁嗟羣兮知我意。但
願與君長相攜。戰霜鬥雪恣嘯傲。夙心七賢惟與
期。

陳志誠

檀欒簇簇翠入溪。引風弄葉疑雨淅。偶似撥弦一
曲響。清音尤勝樹上鶻。霜筠瀟瀟修影瘦。雨簾

散落薜痕隨。瓊葉珊瑚枝凌高節。拂雲掃月看幽姿
。九霄夢絕望不極。千載獨立誰相師。葱蔚竊慕
作勁碧。可憐繁華凋摧時。中虛外直比松健。高
節自將世俗遺。閒來且共七賢醉。人間名利真堪
嗤。

劉智輝

少小曾經春雨露。新篁包綠籜始濃。巖前拖練迷
烟樹。油油綠意壓花紅。歲寒百草嘆凋謝。矗立
亭亭摩蒼穹。時有鳳凰來棲止。斑斑直管超疏桐
。鏗鏘錦珮垂仙石。幽咽流泉映翠叢。凌霜常有
拂雲志。勁魄蒼蒼比老松。婆娑碎影分書勢。鸞
姿碧玉欺冷風。何懼霜氣催落葉。身懷虛節堪經
冬。

黃育順

懸針身瘦披綠裳。離離神氣何軒昂。子敬曾代傳
佳話。香山唐朝橫草堂。高士所愛雖各異。青青
密竹意味長。柔體虛中鎖環節。狂風箭雨呈堅強
。內蘊外踐有逸致。孤忠高節吐寒芒。文山正氣
滿天地。元帝折服心讚揚。可恨世人逐名利。國
魂民氣何日昌。

松

何須顯

猶說此松何歲薨。枝葉青青貫四時。擎天拔地隔
煙雨。枝如攫獸根盤螭。帶月臨風傳雅韻。更擬
負雪試幽姿。蒼髯瘦甲殊衆木。心堅惟有歲寒知。
古樸豈同桃李豔。孤高自與世俗迢。翠蓋蔭覆
可讀易。然枝炎茗堪奕棋。狂歌長吟獨百慮。松
下禽戲堪娛嬉。不羨伊呂封侯貴。但效夷齊食蕨
薇。

木

棉

曾省

一樹丹霞意絕倫。仰天獨立笑三春。英雄落拓人
寧識。世事飄零夢豈真。俯仰河山傷故國。緬懷
日月恨良辰。朱顏老矣情難已。血淚淋漓濕戰塵。

海

上

曾省

海上風波不解愁。人間離亂更堪憂。扁舟此去餘
飄盪。故里年來有怨尤。萬里重溟流浩浩。十年
夷市夢悠悠。眼前恩怨都拋却。待把江山雪涕收。

海

何賓媚

孤舟泛西海。涼風起滄浪。夕陽隱餘暉。明月生
夜光。野岸無人語。羣鷗靜翺翔。欲尋風月窟。
還寄水雲鄉。

陳紹棠

孤棹踏層波。蓬山此路過。一瀉藏日月。萬派納
江河。碧海思無極。青山夢自多。故人前夕去。
悽惻奈愁何。

麥仲貴

渺渺一舟迴。飄零似白鷗。潮聲千月湧。櫓影一
鐙浮。烟水成孤賞。雲山夢舊遊。誰家漁笛唱。
涼夜海西頭。

陳聘珍

千尋翻巨浪。滾滾百川東。遠樹迷歸鳥。斜陽影
斷虹。傷心鄉路遠。極目故山空。天水渾無際。
飄流歎轉蓬。

陳 熾

三山終古峙。一碧極天浮。標渺千帆影。蒼茫萬斛愁。狂飈掀地轉。驚電挾雲搜。欲放蓬萊棹。煙濤未可求。

司徒天正

浩渺莽無邊。羣流匯此間。孤舟橫萬里。曲岸列千環。日落潮初漲。風迴客未還。殘山烟霧裏。點點是鄉關。

鄭健行

滄海靜如璧。浮星接太清。微颺驚斷雁。紫霧隱遊鯨。芝謝神山冷。翠含仙子輕。秋槎猶未至。惆悵望瑤京。

袁沛生

半隱神山秀。仙歌覺路遙。龍騰驚浪湧。鷗舞亂雲飄。川匯歸懷抱。霞蒸散寂寥。望洋河伯歎。汪度自超超。

廖鉅林

萬川東入海。冬夏盡無期。溪澗悠悠下。江河滾滾移。汪涵如不盡。汗漫信無涯。容衆故能大。胸懷當若斯。

梁沛錦

浩浩無崖岸。汪汪水國遙。千艘爭利涉。百國接風潮。海濶魚潛沸。天空鳥自驕。誰憐遠遊子。心旆正搖搖。

陳幼嫻

海上斜陽晚。漁舟發浩歌。帆孤風趁滿。櫓古鳥棲多。鯨浪歸仙侶。蛟宮宿月娥。天涯懷故里。不禁淚滂沱。

蔡晉生

無邊真浩渺。疑與碧天依。舟蕩翻狂浪。帆斜映夕暉。潮來千島沒。風定亂鷗飛。襟抱同弘濶。爭看萬壑歸。

何金蘭

浩渺迷津岸・荒茫氣度深・風號玄鰐隱・浪起白
鷗沉・望望關山隔・寥寥魚雁音・百年江水恨・
碧海鑒孤心・

郭惠冰

不棄涓涓水・香淮納泗河・龍騰千尺雨・魚躍萬
尋波・鮫室人何往・桑田變已多・古今同一慨・
霸業豈能歌・

伍靜嫻

遠眺渺無邊・波瀾動遠涯・魚蝦翻水戲・蛟鰐弄
波遲・萬戶華燈上・千艘巨艦馳・坐觀垂釣者・
徒有羨魚思・

潘正英

浮雲天際合・海上浪成圍・水遠漁人怨・堤長白
鷺飛・熱龍吟薄暮・衆鳥噪斜暉・月上寥星閃・
千艘逐浪歸・

新亞心聲 第一集

郭錦樵

浩渺蕩無邊・川流匯此間・天邊風雨急・水際浪
濤翻・月出潮初漲・風高我未還・蒼茫煙霧裏・
何處是鄉關・

陳長熾

蒼蒼天水裏・點點遠帆漂・濤起潛龍吼・風來紫
燕飄・因看孤島近・忽覺故園遙・滿目千波動・
懷鄉萬念消・

何頊顯

禹甸換新圖・淒然獨泛桴・曉雲三島近・碧浪一
塵無・劫後人空在・傷多淚漸枯・茫茫煙水濶・
何處是蓬壺・

陳志誠

滔滔崖渚沒・渺渺涌浮天・萬島千濤汨・百川一
夢牽・孤胸緣海大・客淚爲愁纏・屢屢歸期誤・
空嗟計歲年・

吳廣銓

入望水泱泱。汪波未可量。萬流看盡滙。一粟亦
能藏。日極思蓬島。心枯憶故鄉。乘桴欲何往。
世事萬滄桑。

劉智輝

浩渺橫無際。茫茫上接天。狂風掀浪立。永夜震
山顛。蹈水懷高義。乘桴羨昔賢。臨崖多古意。
憑弔碧波前。

山

陳聘珍

尋山登絕頂。烟霧欲霑衣。獨立千峯峻。迴瞻萬
象奇。浮天團紫靄。籠樹漾玄暉。萬里關山外。
何時戴月歸。

李超文

憂患年年逼。真愁綠鬢斑。翠脂新草木。裙屐舊
湖山。朝雨羣峯靜。殘雲斷夢閒。登臨春未晚。
北望幾時還。

曾省

日落寂羣鴉。西山有斷霞。衆峯幻雲霧。萬木影
龍蛇。壁削泉聲急。宵深月色斜。謝公遊屐渺。
徒使後人嗟。

陳城

疊嶂三千仞。登臨快此遊。泉聲喧石澗。樹色隱
丹邱。矚目千巖秀。娛魂一徑幽。雲深遙望處。
點點是鄉愁。

張泰昌

碧山橫疊嶂。古木晚淒淒。影聳青雲外。光迴明
月低。深林迷小徑。斷瀑響前谿。高士真能隱。
棲遲久不歸。

司徒天正

入望浮雲遠。峯高仰面看。煙光千樹合。雨脚四
天寒。鳥近人猶望。龍蟠意自安。神州極目處。
空見霧漫漫。

黃漢立

獨立千峯靜。白雲恣往還。泉聲喧遠浦。嵐影鎖春山。梵唄餘傳響。禪棲每閉關。夕陽空自好。流水日潺湲。

修畢詩選感賦

陳紹棠

去歲值秋初。余始學作詩。胸無半點墨。欲寫乃無詞。幸得曾夫子。循循誨不疲。導我就正軌。免使向路歧。每苦呈所作。沈吟多瑕疵。李杜與蘇黃。高山常仰之。恨吾才力薄。精微終難窺。嗟哉時已逝。無可慰吾師。

江紹德

誦讀古人詩。心神與交期。高華建安首。俊逸小謝辭。李杜光萬丈。私淑真我師。鈍學事苦吟。郢斲使之宜。高歌披懷抱。寄情思解頤。

黃漢超

詩壇有曾公。派承同光體。小子忝末席。瑕垢得盪洗。每作非異觀。寒天亦有沍。斧削銘於中。鈍性得所啓。誨人公不倦。學者幾零涕。

新亞心聲 第一集

黃漢立

詩宗三百篇。研習已經年。微妙誰能悟。喜今有鄭箋。

楊楠

簡樸輸情意。千言不及詩。終年隨衆學。只愧欠佳詞。

李超文

斑管何曾夢見花。詩聲催我換年華。吟成竟少珠璣句。桃李春風意已賒。

陳聘珍

詩篇綜覽萃奇珍。高韻流風識古人。雅麗雄奇難並席。千回吟咏苦傷神。

陸慶珍

窈窕詩神麗且奇。旨深意遠大名垂。何時入室升堂去。獨與蘇黃李杜期。

司徒天正

憶昔孩提誦古詩。而今更學賦歌詞。一年光景匆匆過。恨事連篇欲語誰。

譚乃亢

去歲同窗學賦詩。苦心慘澹在修辭。今朝若得驚人句。送與東風謝我師。

讀陶詩

司徒天正

我讀淵明詩。斯人久心儀。田園詩稱聖。飲酒句獨奇。不知憂傷意。言外自可窺。哀君逢時亂。才大與世遺。寧能爲五斗。遂令折腰肢。作賦歸去來。一一表遐思。從此處虛室。樂彼南山陲。或寄傲南窗。或採菊東籬。興至且飲酒。樂天復奚疑。傷哉憐我輩。避賊憂亂離。何處是桃源。公其語我知。

劉慈雲

故鄉苦亂離。身爲逆旅羈。閒中喜吟弄。陶潛是我師。李杜稱詩聖。君詩紀義熙。所爲多澹逸。堪稱絕世姿。感時傷不遇。早賦歸來辭。忠愛無由達。時人豈能知。寄情于山水。採菊在東籬。策杖登高去。沽酒不復疑。讀此清逸句。曲終使人悲。山河怪色改。何日還清夷。

曾省

陶潛非遜世。萬古布衣尊。因乏素心人。貧苦亦開樽。相對忘爾汝。慷慨鳴高言。門前五柳樹。絲絲拂短垣。俗物非所戀。祇欲松菊存。濁世無高棲。詩酒樂田園。室居雖塵雜。心境斯桃源。南窗常寄傲。孤松亦盤桓。澹遠隱悲志。誰解亡國冤。籬邊讀公詩。叢菊疑詩魂。

譚佩玲

我長讀上庠。身爲詩書囚。幸有曾夫子。文字爲我脩。課中何所學。陶詩記心頭。靖節有丹心。本欲家國謀。奈何世已非。不爲公與侯。田園將荒蕪。結廬人境幽。東籬採菊去。勁節不可求。沈醉聊自適。南山憶悠悠。公詩豈澹遠。更有亡國憂。東晉一彭澤。逸氣與天侔。

陳鈞賢

陶公意澹遠。逸氣世外蟠。家蕪國慘愴。志士心掀翻。奈何能力薄。無計覓荃蓀。五斗米雖貴。

難使折腰煩。蹣跚賦歸來。惆悵滿田園。種豆南山月。採菊東籬垣。君子薄軒冕。等閒無經殫。貧潦至乞食。尚有虛室存。豈若今世人。流徙異鄉奔。一讀心悲愴。尋思欲斷魂。

陳 域

憶昔少年日。窗下讀陶詩。但覺易上口。不解其中辭。自人上庠後。批導侍領袖。始知淵明意。淡泊非無爲。其詩真純樸。境界復難追。豈徒田園詠。更傷世道衰。早賦歸去來。采菊在東籬。同時有謝客。山水鳴于時。不及陶神遠。刻劃紛陸離。吾人味高韻。涵詠心在茲。

袁 沛 生

春光何豔綺。春庭滿花枝。爭妍兼吐秀。蜂蝶來依依。競麗人所尚。好菊人幾稀。識時爲俊傑。高節自受譏。榮華多所羨。我公獨耽辭。悠然南山望。採菊在東籬。紛紛塵世中。走肉紛行屍。

新亞心聲 第一集

淡泊可明志。高遠與世違。田園有真意。何須日夕馳。九泉願公知。清節萬古垂。

莊 秉

杜詩大海水。陶公九天雲。不爲五斗米。澹遠以超羣。亡國哀痛情。盡寄於斯文。萬事不經心。西時農事勤。田園有樂趣。賦詩詠芳芬。靜來細吟味。元氣含氤氳。林鳥爲吾友。不染世紛紜。世亂且偷閒。持酒以贈君。富貴非吾願。帝鄉何足云。秋菊吾獨愛。千載得傳聞。

李 潔 儀

淵明胸次高。自古遠名揚。田園脫塵俗。邦國增荒涼。生平弗得志。獨去歸故鄉。日月豈無價。書寫在虛堂。未與時際遇。清高傲首陽。於茲讀其詩。所詠多哀傷。微澹絕千古。沈痛迫中腸。逐愁在杯酒。寄興於文章。千古一詩人。才格出尋常。吾獨愛此翁。日夜誦南廂。

讀杜詩

陳 城

子美文章在，奇拔出風塵。孤高掩顏謝，流麗兼徐陳。公當少年日，早充觀國賓。朝野遭板蕩，願登要路津。竊比稷與契，冀使風俗淳。搢黜志不達，到處暫摧辛。自經喪亂後，造句更入神。詠懷五百字，潦倒見公貧。公詩拙重大，沈雄力萬鈞。後人雖力倣，每難得其真。

工部詩豪邁，光輝萬丈長。體勢宗獨造，元氣入混茫。觀公壯遊詩，裘馬頗清狂。懷才惜不遇，身世嗟摧傷。三別與三吏，國事多螭螳。北征詠懷句，人間歷滄桑。公性真醇厚，嫉惡懷剛腸。一飯不忘君，丹心日月光。公詩伴元氣，今古難頡頏。吾輩慚困學，引領徒相望。

陳鈞賢

浩浩子美詩，上與元氣侔。四十曾獻賦，惜乎不見收。才大難爲用，志士嗟沈浮。失志陷胡虜，顛沛少停留。麻鞋奔行在，日夕家國憂。身在草

堂裏，厥心在伊周。妻子久離散，凍餒在他州。世亂遭飄蕩，身心兩遭囚。低吟遼壯志，空言世上投。縱目九天外，吾道非悠悠。

譚佩玲

開元一子美，詩史名長留。自比稷與契，心爲萬民憂。豈無江海志，瀟灑日月浮。公詩承風騷，北征悲九州。一飯不忘君，天性忠愛流。遭逢天寶亂，撫事淚未休。饑餓窮荒山，流離在秦州。寶馬愛神駿，詠鷹筆力遒。巨刃能摩天，乾坤莽莽愁。荆公語妙絕，元氣與天侔。

譚乃亢

杜甫文章在，忠烈氣鬱森。大材難爲用，白酒常浮襟。豈無邦國志，草堂吐哀音。所遭非治世，生民賤如禽。平生千萬篇，作罷再三吟。沈痛腸欲斷，紙上血淚侵。來如雷轟怒，罷若蛟龍沈。澎湃動河嶽，一字千驚心。嗟我生其後，惆悵望公臨。讀詩千載後，歷歷悲猶今。

夢墓貞

我欽杜詩雄。吐辭神鬼驚。氣吞曹劉輩。何只風格清。孤高掩顏謝。夢憶李白情。詩狂多醉酒。悲歌愁盡傾。中原干戈擾。漬血滿王城。七歌傷窮谷。喜聞收舊京。滌肝奉至尊。徒添老淚盈。半生流寓苦。一柱文章擎。素心憂國死。萬古擅詩名。舒卷軍公詩。傷懷夢難成。

羣啟秀

人稱李白仙。老杜足當聖。生逢天寶時。興亂朝無政。遂致民生艱。馬嵬六軍橫。逸樂豈足賴。殘紂堪借鏡。有才雖不遇。中心無異姓。願皇臨故都。國運看重盛。感懷痛時事。寄情事觴詠。章法何跌宕。淋漓盡其性。縱橫如神龍。妙筆人生敬。富貴本浮雲。怡然不怨命。

莊東

杜公詩筆拙。不效謫仙狂。所造皆奇絕。公名萬古揚。隨物以賦形。河海何汪洋。才大絕今古。安能以斗量。少小詩即壯。目短曹劉牆。詩壇名

家多。列珮出其旁。詩固吾家事。更思匡朝綱。曾授拾遺職。世亂嗟皇皇。滿懷鬱悲憤。浩瀚託篇章。國破家亡恨。千載永不忘。

曾省

絕代有騷人。風雅筆下生。維時遭不遇。慷慨發悲鳴。開天久喪亂。中原盡甲兵。許身衛社稷。廊鞋見聖明。艱苦未足道。蒼茫更北征。幼子饑且卒。天心愧不平。苦吟存真意。一羽萬古輕。焉知百代後。獨垂青史名。世態雖萬變。文章世永驚。山河今破殘。惻惻故國情。泉下公有知。詩魂當咿嚶。

林炳昌

千載離亂事。歷歷在心頭。詩史才何高。亘古絕匹儔。詠懷五百字。沈痛淚難收。北征熱肝腸。清涕撫孤愁。跌宕乾坤。懇摯心肝柔。纓綿排側意。字裏行間流。惟憐命坎坷。魂兮他鄉浮。悠悠天亦老。公名百代留。

司徒天正

每讀少陵詩。惻惻不能移。愁腸自鳴喚。千古寸
心知。語語肺腑出。出輒使人悲。常喜讀北征。
忠愛元氣彌。奉先五百字。字字憂時危。豈徒論
工巧。義興四始隨。李白號同時。白唯狂且癡。
不及君至性。還作至情辭。人生憂患意。寧能任
所之。誦君同谷歌。感我長亂離。

讀謝詩

曾省

文章經國事。大塊今古同。晴川嘆寂寥。邱壑憶
謝公。屐迹久泯滅。巖壑積翠濃。春雨霽永日。
池草芳叢叢。幽禽鳴園柳。知音無詩翁。朱明轉
百世。關山阻千重。旅人心感感。故邱夢難通。
斗室困天涯。悵悵懷華嶽。銓前誦公詩。頓覺豁
心胸。一卷莽雲樹。疑置疊嶂中。

劉慈雲

江左稱顏謝。康樂世所推。興多才獨絕。山水成
新詩。麗典新詞句。絡繹奔赴之。渾灝而流轉。

辭雅秀猗嶷。刻天恣刻畫。句鍊意更奇。擷鹽經
大句。鑿險鏗幽思。景物故尋常。運筆卓然嬉。
雖爲永嘉守。尋山陟險巖。遠遊常失職。寧爲五
斗羈。時人呼山賊。足爲百代師。

陳鈞賢

矢志薄仕宦。終老山水間。但傷廬陵折。暮下淚
洶瀾。便爾窮登陟。涉水啼嘯還。低吟七里瀨。
遠眺富春山。興來猶秉燭。氣王唯恣攀。縱目天
下內。放意山川環。世亂無所託。逍遙心自閒。
萬事每達志。逐物遂強顏。命舛徒嗟吁。懷抱昭
曠難。高才論棄市。千古名煊爛。

譚乃亢

倦日隱西壑。山川盡幽閒。謝公投玉翰。攜屐夜
登山。不聞鶉雀噪。唯聞水潺潺。上有青嶂月。
皎皎如佩環。左右爲秉燭。點點動熒爛。勸酒有
肥贄。竹箴照歡顏。凜烈具刀斧。斫棘山水間。
有人呼山賊。空惹黎民患。肘懸永嘉符。吏事常
苦艱。臨風題幽意。惆悵望塵寰。

洪淑琴

陶公詩清遠。愁心傷亂離。大謝少耿介。逐物忘日衰。二紀露千祿。沈鬱有所思。律細更難繹。目觀桑田移。讀書豈足悔。杜韓皆公師。溟漲觀大海。莊老道襟期。虛舟世超越。海若安流時。巨浪翻騰速。世情變幻悲。春秀凋自知。終起秋風宜。驕恣忽被收。一死萬事違。

參慈貞

夜讀靈運詩。披卷破寂寥。寒月穿簾隙。光影洗愁潮。盈章瑰奇語。苦韻越岩嶠。縱橫陳古器。品藻實鏤雕。倘非此雅麗。何以醫庸嘉。離鄉守滄海。宿志在逍遙。首詠帆海句。下筆神理超。文章擎一柱。風采奪前朝。獨窺佛老旨。思鄉風刁刁。愧余智短淺。學步徒嘵嘵。

黃雪琴

謝客出高門。出守永嘉驛。特製登山屐。逐步不倉徨。夜遊山水間。徑宿崖障旁。浪迹似山賊。

新亞心聲 第一集

服食頗侈狂。天生美鬚髯。厥志懷介剛。清高益曠達。不與俗同行。一代仰宗師。杜陵所推揚。獨創詩風格。矜練成篇章。自命才一斗。傲睨不可量。繼響有杜韓。留名萬世芳。

張金榮

襟文極雙絕。江左無與同。詞章揚後世。豈待建殊功。諸制多改革。寰宇實難逢。揮金如糞土。豪哉康樂公。廬陵墓前淚。四顧盡成空。人生不滿百。何須魂怔忡。萬事俱零落。優遊山水中。處境良可哀。仰視天夢夢。不為勢權屈。寧願棄市終。束髮懷耿介。千載欽高風。

李潔儀

宋有謝康樂。厥名為客兒。少小離鄉邑。長大善為詩。下筆取莊老。不遺論易辭。平生愛幽賞。逐物懷雅思。吟詠山水章。雕琢稱瑰奇。文采無與敵。興高誰能罷。逸遊顯其智。妙句出苦思。才華為世羨。文章萬載馳。挑燈誦公詩。不覺夜半時。未肯釋書卷。清言神為怡。

梅窩記遊

鄭健行

劉智輝

天地含冥晦。觸目翻百憂。嶽海暗驚動。壓溪竹
霧愁。陰谷凝靜綠。紅冷春心休。崔巍峯巒隱。
顏雲重不流。撥煙履驚石。險仄啼猿猴。俯視但
茫茫。無處辨神州。何當繇蒼穹。義和莫可求。
孤島傍歸棹。嗷嗷無所投。

何漢顯

袁沛生

寒食雨初霽。韶光近清明。青山如顰面。鳥媚花
復榮。梅窩春日好。灘畔戲羣英。絃誦今暫息。
唯聞語笑聲。春寒怯試泳。泛舸更怡情。碧浪滌
塵慮。清泉可解醒。師生情誼洽。尋芳步履輕。
吾儕縱歸去。灣上餘鳴盟。

伍靜嫻

蔡晉生

海濱初雨霽。相約梅窩遊。和風拂人衣。漫步沙
灘頭。美景惹人思。君去我獨留。會面安可知。
倍添恨與愁。豈君戀風月。恩情赴東流。思君夢
不見。欲語看仍休。舊地今重遊。淚珠已凝眸。
人生恍似夢。此恨空悠悠。

空濛寒食雨。結隊梅窩遊。涼氣送衣袂。移舟泊
渡頭。蒼松迎風立。海鷗舞沙丘。東村黃犬吠。
隴畝清溪流。泉鳴聲碎玉。銀花濺未休。微雲抹
層峯。出岫意悠悠。空山人語靜。鳥聲何啾啾。
暮靄驚四合。歸矣休淹留。

春雨頻滌洗。盪我山川明。閒道梅窩美。結伴相
與行。羣峯抱一窩。梅意誰爲承。銀瀑壁間掛。
玄濤中夜鳴。放眼睇四野。高瞻探地靈。放舟漾
碧波。引吭作鳳鳴。山水樂仁智。豁然怡我情。
安得住畫中。去國可忘齡。

連日雲氣暗。今朝喜放晴。相約趁豪興。暫作梅
窩行。輪駛翻細浪。隊行足步輕。三五聚相坐。
笑談歌聲生。我來作遠眺。山青潮水平。萬物皆
自得。草木欣向榮。美哉仙人掌。暮色看遙迎。
身倦興未盡。登舟數歸程。

潘榆影

嚴冬已遠逝。春氣逼田畝。趁此風日和。乘舟作
郊遊。師生數百人。興來且忘憂。二人三足賽。
君當占鰲頭。麻袋競步走。且看我獨優。浩浩大
海畔。點點細石投。時乎不我予。夕陽下西丘。
漾舟且歸去。怡然忘我愁。

黃育順

佳麗森梅窩。山水何芬芳。朝陽漸東上。晨風吹
面涼。山巒籠輕煙。野花盪幽香。白雲披輕紗。
素波海上揚。漁舟歌互唱。沙鷗天際翔。身處美
景中。塵慮若可忘。清江漾柔艣。歇足神氣昂。
夕陽買棹歸。一葦真可航。

郭錦樵

春始今朝好。人閑一日身。結伴梅窩去。和風滿
海濱。岸淨蘆煙薄。幽深雞犬頻。千山飛木葉。
良田廣無垠。高山臨風立。曉日冥村真。杜鵑枝
間發。幽谷有樵喧。清泉微斷續。機心頓忘塵。
忽覺斜陽落。幽緒對江濱。

新亞心聲 第一集

杜志謙

清明前一日。宿雨曉初收。渡頭會師友。共作梅
窩遊。笛鳴船緩動。破浪逐西流。弋游珠江外。
春山霧遮羞。既泊梅窩岸。且戲白灘頭。競步拔
河賽。歡聲盡解愁。兒童營略駐。登山與雲繆。
御風猶列子。恨時不我留。

陳志誠

雨降愁連日。初霽慶今朝。郊遊謝天賜。師生樂
趁潮。梅窩成鬧市。含笑過木橋。戲暑沸靜灘。
田曠歌聲嘹。友儕邀登山。弱冠欺岩嶠。放目得
意愜。途遠海更遙。塵隨清風逸。瀑觀俗塵消。
低徊脫世網。留連慕芻蕘。

廖慧通

迷濛天地潤。探春乘碧潮。海鷗結隊翔。輕煙隱
板橋。名灣何處是。衆鳥來相邀。刻刻皇揚靈。
白日何逍遙。登舟問名勝。山勢真岩嶠。銀沙堪
細履。微雲若輕綃。引吭發高歌。江山何嬌嬌。
回首驚歸棹。綠慳妬漁樵。

葉秀蘭

潯舟出窮渚。茫茫雲霧間。清明值佳節。暮春樂
逸閒。綠竹蔽幽徑。紅花秀巒山。一踏清江畔。
半窺梅窩灣。輕風拂塵服。碧水輝朱顏。靜息清
谿側。恍如隔塵寰。心隨飛鳥逝。幽徑嗟難攀。
行樂須及時。春光非我慳。

香港

伍梅芳

碧海繞香島。馳道似珠網。電光夜四照。鑽石輝
猶仿。春半斜陽明。高樓射銀榜。晨霧入瀾漫。
行人迷來往。

黃漢立

白雲延餘脈。鍾靈結孤嶼。山環水曲抱。瓊樓接
天宇。奇肱日夜翔。排空紛遊侶。結廬在夷市。
相對知何語。每登太平巔。北望久延佇。

陳聘珍

迷濛罩薄霧。春雲橫太平。朝暾泛霞彩。海上團
光晶。長空映素月。嬌慵影自盈。芳名馳遠近。
一珠東方瑩。昔日窮海濱。摩天輪奐呈。霓燈競

爭豔。管絃紛留聲。彈丸武陵源。梯航集八瀛。
悠悠百年恨。客夢嗟頻驚。

張泰昌

煌煌東方珠。別有桃源天。風物號佳勝。住客恣
流連。名園富春色。瓊枝發杜鵑。碧草軟如茵。
驕驕爭後先。濕雲壓山頂。四顧心茫然。淺水戲
平沙。鳧泛樂無邊。靈氣所獨鍾。造化心疑偏。
鷄犬嗟不驚。太平無盡年。

楊楠

南海浮孤島。故是漢江山。壬寅蹙一戰。斯土割
夷蠻。歐風凌厲至。非復舊時顏。高樓鱗次起。
勢欲將天攀。巨艦踏洪波。東西紛往還。尋幽太
平巔。習流淺水灣。世譽東方珠。芳名震瀛寰。
念是羈旅人。獨惜身手閒。問道鄉國遠。北望雲
霧間。欲歸不可得。揮淚餘潯潯。

牟超文

海角笙歌微。桃源竟此歸。爐峯一掌小。半島九
龍微。暈酒初生頰。凝脂易漬衣。水天鷗鷺好。
相對盡忘機。

香港晚眺

張廷寶

晚來山頭眺。海波應可醉。濤聲夏斯吼。山色春
疑睡。心因落花傷。愁隨薄暮墜。流落在異鄉。
不了相思意。

鍾寶合

煌煌東方珠。照爛碧雲天。瓊樓接天宇。車馬如
流川。電彩紛交錯。耀目輝華筵。絃管隨風揚。
神迷意欲仙。碧海綴繁星。遊艇飛翩翩。倩影映
銀鐙。嫦娥無此妍。世外此桃源。夢裏嗟留連。
憑欄獨徘徊。晚風拂人衣。萬家燈火起。夕陽竊
餘暉。

何寶燭

閻杏眉

遠海孤帆歸。海鷗恣徊翔。晚霞天際起。夷市浮
燈光。九龍一岸隔。故國此場疆。歸路餘北望。
萬里雲茫茫。

郝健行

蒼茫人獨立。無語望江山。滄海浮天盡。寒鷗破

霧還。百年成樂土。萬戶少歡顏。誰識新亭客。
黃昏血淚斑。

何頌顯

蜩螗世局萬滄桑。極目河山怯晚涼。寂寂江頭霞
似錦。茫茫天際月如霜。騷人去國原多淚。詞客
思家枉斷腸。舞榭歌臺歡正沸。誰憐海角夢還鄉。

植柏堯

霓虹華彩上瓊樓。舞榭歌壇樂未休。一曲斷腸孤
淚迸。萬家燈火萬家愁。

袁沛生

廣廈華燈遠近迷。濤光海韻薄紗披。棲遲海國疑
仙境。未解鄉愁故國思。

葉紹炳

孤島高高走萬靈。海天一色浩冥冥。春波但見電
鎗幻。一似銀河萬點星。

廖慧通

倚欄無語送斜陽。隔岸遙觀電炬光。回首海濤掀
湧裏。孤帆天際入蒼茫。

述懷

司徒天正

我生逢世亂。少遇多棲皇。阿爺遠行早。提攜恃阿娘。五齡始入學。常貌作端莊。垢膩墨盈手。狼藉書滿牀。及長鬱大志。願爲國棟梁。窗下恆孜孜。壯懷未可量。孰料赤禍迫。禹域淪滄桑。萬艱避香海。落魄嗟授荒。十七爺見背。沈痛煎中腸。人生莽離合。自古恨難償。天命不可違。豈宜長哀傷。

譚佩玲

吾幼長香江。心身兩被囚。草木復零落。荏苒不可留。苦讀芸窗下。願爲母解憂。飯依恃我主。生事從此休。韓文極閭深。杜詩元氣伴。意逐古人往。故於文字求。欲廣樹桃李。教化師孔邱。朝自釣秋水。暮看夕陽流。坐聽松濤聲。蕩茲心意幽。清寂澹如此。功名何用求。

曾省

陰風起天際。環宇浩劫侵。此志何慷慨。契闊天涯深。憂來傷欲絕。艱險莫銷沈。素月光皎潔。

萬古獨胸襟。海角遭飄蕩。夷市來哀吟。風雨何蕭蕭。萬壑江關陰。波瀾雖涌洶。縱橫誓追尋。寧無逝水歎。中夜起鳴琴。誰愛彈古調。欲歌不成音。悠悠此空意。彼蒼鑒余心。

李超文

世居珠城北。長挹粵秀霞。大父擅丹青。粲粲擷素華。阿爺治經外。恣意摹梅花。十三不解繡。課餘喜塗鴉。開卷事丹鉛。室邇心則遐。寸草報春暉。老樹茁瓊芽。四鄰相告語。斯是詩禮家。萬里迫烽煙。弱羽墜天涯。落拓爐峯黯。誰憐壓線嗟。當年慕高躅。此志嗟猶賒。

陸慶珍

偷閒得半日。蹴踏獅峯巔。引領北回首。企望眼欲穿。關山難飛越。含淚故土前。聞道西湖好。揚子推名川。泰頂觀日出。湘娥疑靈仙。縱馬蒙古原。觀潮錢塘邊。巫山雨雲幻。陽朔峯巒妍。悠悠二十載。日夕夢魂牽。未敢想作癡。只愁夢難圓。不如沈醉去。化蝶飛翩跹。

劉蕤雯

余生苦離亂。漂泊在他鄉。故居何所有。空園餘斷牆。茅舍已毀盡。魚田亦荒殃。伶俜老祖母。白首仍插秧。最憐弱弟幼。竟遭凍餒亡。異鄉長作客。春秋缺烝嘗。空懷江海志。浮沈嗟十霜。知交半零落。舊侶走他方。離多歡會少。恐作永相望。猶幸二親在。白髮看蒼蒼。青春隨水逝。來日愁難量。

張金榮

憶昔垂髫時。歡娛不知愁。結交皆兒童。竹馬同嬉遊。自從遭禍變。田園成荒丘。避難趨南國。含淚別舊時。鄰里送我行。親朋慰道周。握手話別離。嗚咽淚交流。迢迢南海波。茫茫無盡頭。別來已十載。久念情悠悠。回首關山遠。何時雪國仇。絕憐骨肉思。異域紛奔投。

潘榆影

流年何匆匆。轉瞬又一冬。朱欄閒獨倚。搔首問蒼穹。天公何憫惜。河山盡大戎。往昔承平日。

今朝萬戶空。幾許安樂窩。而今各西東。巍巍嵩山下。水勢何滔滔。趁我猶青春。發奮勤砥攻。他日歸故里。好爲掃梟雄。

龍禎祥

家貧父早喪。勞生逢亂世。流水滾滾去。年華日已逝。饑寒雖告臨。終不屈時勢。但求志得伸。苦難亦不計。今我工且讀。一心爲絕藝。他日學有成。世當另眼睇。唯恐心不堅。常決志自勵。救國蘇民困。灑血指天誓。

李燕

中原還逐鹿。書生未請纓。少年意氣盛。功業指顧成。浩浩秋風起。玉珂迎風鳴。讀史吳越後。按劍數前程。角聲黃沙動。氣概自縱橫。回首凜白骨。策馬餘前行。夢裏望江南。灑淚念神京。雄心縱似鐵。能無兒女情。

蔡晉生

赤纓汚山河。忍與故國辭。飄泊無定所。偷生海之涯。天時今不利。無奈世道危。古人今復生。

嘆息當傷悲。吾雖無壯志。不求大名垂。若問余何求。願就聖道馳。自古翰墨人。揮毫正義持。堂堂當努力。北歸終有期。

鄭健行

耻作雕蟲客。好戴遠遊冠。麻鞋歷萬里。壯哉好河山。瀛洲渺無際。東海掀濤瀾。落日蜃氣幻。龍堆真偉觀。蒼茫牛羊見。健兒翻雕鞍。九嶷隱仙霧。翠竹紛琅玕。窮河溯天漢。玄圃聽鳴鸞。咨嗟彈九地。安能老是間。

陳志誠

客居寄甌脫。馬齒分幾秋。迷濛望神洲。那堪賦登樓。偃蹇命途惡。感遇淚難休。塵網本可逃。桃源非吾求。復慚視未穿。芸窗倍勤修。亂世抱斯文。療飢且夕謀。利害不關懷。澹泊亦何憂。存誠更閑邪。揚清激濁流。

何金蘭

憶昔童年時。家居志氣高。志欲學男兒。議論何滔滔。揚名千古上。展翼萬里翔。足跡躡青雲。

思力壓狂濤。才氣驚四座。興至卽揮毫。長大讀書史。不敢妄自豪。學海莽無涯。已似水上毛。但願勤努力。或足探毫毛。

劉智輝

我義武陵人。結侶居桃源。盡拋塵俗念。物外起田園。曙光散曉霧。佳氣籠前村。荷鋤耕隴畝。稚子啓柴門。山光漸西落。人歸鳥雀喧。澗旁栽柳樹。時聽鳴潺湲。月華如白練。中宵讀南軒。抱膝長吟罷。桂影輝短垣。

黃寶葵

山嶽積枯骸。江河流淚血。兵戈亂離中。一別成永訣。天涯獨惘然。遊子歸心切。奈何暴風雨。好夢終幻滅。狂濤恣洶涌。意欲滄海絕。富貴浮雲似。所志崇氣節。四夷不能侵。國勢安兀孰。悠悠明月在。照見此心澈。

郭惠冰

九月寒霜降。兒離慈母妊。髫齡懷嚴訓。綺紈謝枕衾。啓蒙荷師教。立雪程門心。詩書美吾志。

經籍明古今。三餘多暇日。勝地名山臨。神州莽風雲。大地悲沈陰。十年流浪客。骨肉渺無音。世途多險巇。常懷勵志鍼。願爲傳薪火。豈圖俗世金。江山萬里在。萬木看森森。

伍靜嫻

萬籟何寂寂。新月何彎彎。春秋相代序。一去不復還。憶自別慈母。迢迢隔關山。語言猶在耳。望兒早日還。前塵恍如夢。白髮已斑斑。一事悲無成。人生多苦艱。願爲一飛鳥。飛返視慈顏。何時償此願。歡樂滿人間。

何湏顯

余生有小悲。出句親憐羨。家貧雖帶粥。竊慕古豪彥。稍長卽好文。書畫亦稱善。龍蛇筆下生。烟雲腕底現。日盡墨一斗。姿容不稍倦。詩宗杜少陵。詞效柳三變。孜孜芸窗下。十年穿鐵硯。衰世文風頹。文彥難得見。矢志過鄭虔。三絕須獨擅。

余少不自揆。竊慕古聖哲。髫年體雖弱。聰明如冰雪。瑤環復瑜珥。少小父母悅。稍長卽好文。喜與名士結。衰世文風頹。嘆息中腸熱。課餘好染翰。法帖遍羅列。書效黃山谷。揮灑頗不劣。頻年經憂患。此志不稍折。欲與鄭虔遊。名亦並三絕。

潘正英

十年海外居。觸景易傷情。春花秋月夜。魂牽夢縈卿。風雨時瀟瀟。殘月何時聲。終日不展顏。撫枕心暗驚。遙憶我家園。遍地飄落英。木棉開何早。黃鳥枝上鳴。苦恨無紅豆。莫表心意誠。

鍾寶合

滿園春風來。紅紫紛成叢。花間蝴蝶舞。逍遙樂融融。觸景懷故園。淚眼悲無窮。十年居海隅。運蹇道不通。春花秋月夜。萬恨湧胸中。弱妹被奴役。高堂血淚紅。除暴嗟無力。熱血空涌洄。深仇何日報。仰首看蒼穹。

植柏桑

斜陽東風晚。江水猶東流。自顧身影遠。故國萬里愁。蕭蕭蘆荻聲。夜夜鳴鷗鷺。孤雁叫何哀。無言倚危樓。香江獨行客。海天一閑鷗。縱有高飛志。奈爲塵網囚。白雲千萬疊。大海水悠悠。欲破重重雨。展翅瞻神州。

麥婦娣

羣山高千仞。直聳入青雲。蒼松連翠柏。碧嶂丹崖分。尋山登絕頂。只因北望勤。我雖弱女子。壯懷冠三軍。問我壯志何。思欲解世紛。十年棲海隅。宛若雁離羣。風雲仍未動。雨聲不可聞。復仇兼雪耻。不惜爲犧牲。

述學

何須顯

少小好翰墨。覓句枯腸牽。不識好與醜。搖筆卽成篇。既羨昌黎古。復愛義山妍。苦無正法眼。賴有名師傳。杜詩元氣伴。巨刃可摩天。下視唐

諸家。蜚吟蛟龍前。翻然改私淑。句鍛復月鐫。嘔心乃稱意。兀兀獨窮年。

鄭健行

少小耽佳句。披帙神驚馳。居僻才士棄。前賢真吾師。卓哉少陵老。宗匠萬古垂。格雄聲質大。筆搖五嶽移。迺攝造化意。元氣浩淋漓。長吉好鬼泣。咽咽吟楚辭。茫然義山懷。幽黯託瑤姬。璀璨贊辰星。小子敢心儀。效顰試握管。巧拙判雲泥。海深何由測。天高不可窺。夫子詩敵古。誦勉無所私。長願聆警歎。愧乏絕世姿。安能夢綵筆。竊與昔人齊。

杜逢漢

爲學豈無師。吟詩亦當然。少小只知讀。詩意無所知。既蒙良師導。借書充案前。唐詩名最盛。李白稱詩仙。北征及奉先。杜詩態萬千。作詩須用思。造意在筆先。執筆效古人。沈思心熬煎。晨昏不釋卷。苦練斯成篇。

陳長城

寒窗何所樂。寸管題新詩。今歲始得師。韶光誤
多時。萬卷未破一。出筆難神奇。智竭乏匠心。
古藏今不知。九齡書大字。子美焉能追。驚歎友
詞工。含愁已何卑。每作均腐語。轉恨無神思。
惟求賜郢斤。不爲人刺嗤。

章紹炳

幼年志好學。愛誦千家詩。唐詩三百首。吟罷月
上時。初憑父母教。少學無明師。十五入中學。
所教非詩詞。兀自看書卷。憑軒獨醉怡。安心追
李杜。奈非騏驎姿。去歲來上庠。所幸值吾師。
青鋒嗟久鈍。磨厲自歎遲。

郭惠冰

髫齡不苦學。四聲非所知。耳提兼面命。善誘獲
良師。閒來吟杜句。興至咏陶詩。悲天憫人意。
心與古人馳。吟罷攄無從。推敲輒蓄疑。味如倒
啖蔗。佳句每自怡。未許金玉振。偏教藻麗遺。
遣懷知何似。骨鯁快吐之。

新亞心聲 第一集

廖慧通

孩提聽誦詩。鏗鏘叶雅詞。境界何奇幻。飄忽起
遐思。有時試執筆。欲語苦無辭。我非謫仙人。
鈍質當自知。初惟慕花月。自以爲神馳。長老示
以正。教我誦唐詩。杜陵破萬卷。老蘇奮未遲。
感此懷昔人。執卷獨孜孜。

黃寶葵

甕牖繩樞間。愧無翰墨才。少年嗜曠盡。未解詩
書媒。曾師啓吾曠。茅塞欣初開。恨我資庸拙。
朽木不可裁。常於作詩時。心翳神復頹。意欲暢
其言。筆鈍奈如錐。齟齬章難成。枯索腸每迴。
臥薪雖有日。無以答培栽。

黃育頤

少年獨愛詩。吟誦喜清幽。右丞雖濟遠。不及陶
公道。不敢言爲詩。只隨性所投。同窗贈佳號。
緋類每含羞。本當授名門。無師豈可求。時光轉
眼易。文困恣意游。千里逢公公。門下許我收。
枯腸索吟詩。進速如飛鷗。

閩杏眉

我性向嗜詩。獨奈困天資。啓蒙師曾公。一載匆匆馳。憶昔初學日。四聲嗟罔知。愁對詩題問。每怨神思遲。哀哉我何愚。揮筆意若癡。積歲營苦讀。唐詩解我疑。述懷吐一篇。詩興看初滋。唯苦天賦薄。終也空嗟思。

陳志誠

夷地哀華國。北望興黍離。十載積客淚。催老日月馳。靖氛方有待。綺歲潛修時。少懷屹雅志。豈論非俗宜。長歌堪聘情。展義當陳詩。惜我才何薄。孜孜佳句遺。心凝放翁意。神追少陵詞。芸窗勤展卷。古人皆吾師。

龍楨祥

生平喜誦詩。未曉事吟呻。自得明師示。耳目遂一新。師言當勵志。成敗在一身。不耻求下問。時聆羣儒論。朝誦李杜句。夜向詩品詢。執筆爲詩句。推敲數十巡。樂時忘饑渴。詩中有芳醇。半載今已過。下筆恨不神。

潘正英

平生不好學。半因拙天資。年年覺苦過。茫茫仍無知。去歲落葉時。有志初學詩。未識分音韻。啓蒙賴曾師。讀書惟幾卷。用筆每苦思。攢眉復搔首。腹儉何能辭。勉力成一章。依然爲人嗤。有朝頑性改。倘追杜拾遺。

駱鏗祥

聰敏天所賦。惟我無天資。幼時不苦學。長大無良師。古籍不欲誦。但好誦唐詩。明月上高山。誦詩時最宜。及長讀詩選。四聲初不知。苦誦三數日。洞然有所持。執筆效古人。曉夜事沈思。胸中無點墨。惟嘆讀書遲。

潘榆影

吾父喜吟哦。興至輒賦詩。憶余年方幼。案旁凝望擬。私心竊自許。我亦學詩詞。今日入黌府。得以事名師。唐宋詩舉要。沈吟日孜孜。下筆且試作。躊躇更苦思。吾師不棄我。常爲削瑕疵。苦樂其間多。寸心訴誰知。

伍靜嫻

學詩近一載。啓蒙從曾師。恨吾天資昧。茫然未有知。適逢每作詩。心亂不能持。腹中無典實。欲書乃遲疑。執筆欲語時。搔首復瑣眉。低頭苦沈思。心力也覺疲。偶然有所悟。揮筆已成詩。他日如有成。心曠復神怡。

蔡晉生

吾幼好沈默。閒來喜詠詩。每執唐詩讀。惜無親授師。至今始習作。努力當及時。幸有良師求。誨我日孜孜。鋪紙陳筆墨。伏案急索思。良久題方定。欲掘神思遲。忽覺有所感。執筆亦有奇。所作雖未善。努力勤奔馳。

梁沛錦

初懷才子想。作詩不讀書。自得明師示。方恨所見虛。莫言追李杜。同儕尚不如。發奮當自強。苦讀效橫渠。晨昏未釋卷。學富有五車。兩句三年得。一吟雙淚垂。知音如不賞。惟有還山居。

新亞心聲 第一集

劉智輝

少小慕前賢。心弱不自思。好讀開元句。尤喜古人詩。大雅淪周季。王風久已離。梁齊質不存。綺靡何足希。詩義源三百。伯玉發旨微。李杜歌古調。曠代絕世姿。王孟風神出。清遠世間稀。思隨二子後。律調得所依。八閩曾夫子。善誘真吾師。文存桐城法。詩溯西江奇。不鄙吾質鈍。誨導不知疲。願能聞古法。詩圃隨奔馳。

弔屈原

劉智輝

茫茫汨羅水。耿耿逐臣忱。痛寫離騷賦。難移楚主心。斯人今已渺。忠骨莫能尋。江岸空懷古。無言淚滿襟。

陳志誠

芷闌踏不芳。逐客弔端陽。故國叢椒櫨。忠魂沈沅湘。千秋玄圃恨。一水汨羅香。感此懷吾土。歎歎欲斷腸。

何須顯

佳節又端陽。南風惹艾香。讀騷懷屈子。去國怨
襄王。欲弔悲同命。羈棲感異方。千秋遺恨在。
吟罷淚沾裳。

鄺健行

日月刊餘恨。蒙冤死逐臣。骨沈三楚澤。魂作九
嶷賓。故國餘同戀。他鄉有獨吟。命途猶未逮。
遙拜獨傷神。

鍾寶合

汨水淒聲蕩。龍舟苦淚濛。貞忠垂萬古。凜烈塞
蒼穹。海潮愁思遠。天高恨意逢。蒼茫迷晦冥。
天地一哀鴻。

清正英

龍舟金鼓寂。異地又黃昏。鬱鬱湘江水。哀哀楚
客魂。丹心懷故國。孤夢遠天關。千載空餘恨。
汨羅水尚湏。

廖慧通

端午龍舟競。紛傳逐客愁。聲隨湘水盡。心寄楚

王憂。哀怨誰爲訴。忠貞不可求。天涯橫涕泗。
悽惻望神州。

五月暮江頭。有人湖上愁。悲歌鑿楚澤。珠露濕
湘洲。故國山河遠。新朝草木秋。天涯零涕泗。
鄉夢逐歸舟。

龍積祥

海濱看競渡。角黍祭忠良。去國遊江海。沈哀弔
沅湘。貞心期反正。勁節看流芳。偏恨今時哲。
懷忠道已荒。

葉紹炳

白浪滔滔去。蒼茫起百憂。今時香海水。昔日汨
羅流。千古人同弔。三閭命不猶。此身葬魚腹。
貞白貫千秋。

袁沛生

鼓聲歌競渡。鑿鑿駭蛟龍。寂寂湘流遠。昭昭日
月忠。嗟君徒耿介。奈世盡昏瞶。異域懷先哲。
離憂今古同。

閩 杏 眉

滔滔汨羅水。點點起新愁。故國影已滅。貞臣痛
豈休。當年忠骨沒。今日白波流。蒼昊嗟千變。
傷時起大憂。

何 金 蘭

愛國心長往。傷時世豈知。端陽看競渡。楚澤莫
通辭。耿耿忠心在。絲絲離恨垂。湘江千古淚。
萬載感人思。

鍾 寶 合

清江頻競渡。相與弔忠魂。大宇英靈在。千秋凜
烈存。高天玄霧塞。大地赤流翻。慨世淚紛飛。
淒淒不可言。

曾 省

浩渺汨羅一水深。暮行江畔託哀吟。蛾眉自古遭
謠詠。闕蕙於今異鬱森。濁世誰憐芳草喻。孤忠
長繫美人心。蒼波盡是靈均淚。何處招魂問楚音。

前 人

沅芷汀蘭自向榮。汨羅嗚咽訴平生。忠魂縹緲歸
何處。一卷離騷萬古情。

張 泰 昌

一代疊臣竟赴湘。美人香草各芬芳。龍舟畫鼓徒
喧鬧。誰識騷心賦九章。

江 紹 德

汨羅江水浩茫茫。屈子離騷萬古芳。末代文章傷
綺靡。誰攜哀怨訴高陽。

陳 國 演

湘水波馳爭競渡。家家角黍弔湘纍。行吟不遇沈
江去。千古孤懷待語誰。

李 超 文

孤忠散落水雲間。此日人人弔屈還。濁世清流誰
與辨。招魂空有憤如山。

譚 乃 亢

志在修門竟遠遊。哲人明主信難求。汨羅江上忠
魂渺。一水荒茫萬古愁。

李學銘

逐客思鄉黯淚流。湘江惻惻夢君愁。深波一逝驚腸斷。魂魄猶懸萬古憂。

麥卓貞

三閩牢落見深衷。抱石懷沙恨未空。可惜離騷賦成後。徒令楚客弔孤忠。

楊楠

競渡龍舟意氣揚。喧喧簫鼓鬧端陽。何人爲念湘江畔。一代孤忠欲斷腸。

莊永

愛國詩人去楚憂。芷蘭樹蕙爲君籌。未酬苦志遭讒放。一赴汨羅萬念休。

司徒天正

國破家亡見怨尤。靈均憔悴更堪憂。千年懷石魂何在。湘水於今帶恨流。

陳紹棠

一去湘江問九疑。南荒漠漠望歸期。離騷唱罷悲吟久。豈爲懷王去國時。

黃漢立

獨蘊修能壯志高。明王宗國意徒勞。年年端午看爭渡。誰識忠貞誦楚騷。

陳鈞賢

故國斜陽暮若何。汨羅江畔意婆娑。當時若有明王在。忍令斯人逐楚波。

懷三閩大夫 曾省

蘭芷化蕭艾。荃蓀久不郁。宗臣積苦心。蛾眉遭讒譖。數化傷靈修。塞塞獨離俗。國人莫我知。南征終局促。披髮吟澤畔。容顏何慘感。江干楓樹林。千里傷放逐。蕪穢惜衆芳。居處待誰卜。浮雲天際飛。滄浪自清濁。奮身赴汨羅。舉世爲痛哭。萬靈紛潛慙。日月亦匿伏。天心寧待問。忠魂永踴躍。芳草今向榮。美人竟不復。迴風日暮動。如奏九歌曲。淇淇江水綠。萬古流芳馥。

春 雨 黃育順

春風帶雨似深情。朵朵梨花淚欲傾。萬里江邊煙霧罩。新愁滯慮幾時輕。

陳幼珊

綿綿細雨落紛紛。灑向人間萬物醺。紫翠青葱看
滿眼。乘時潤物釀芳芬。
濛濛春雨草萋萋。楊柳飄飛鳥亂啼。昨夜怪來春
夢冷。凝魂泣血哭聲淒。

袁沛生

隨畝雲煙處處迷。晴光迴潤暗青絲。千山細雨仍
飛燕。萬壑松聲漸亂嘶。
小徑迷濛鶯語軟。百重煙柳蝶低徊。平生訴盡君
休笑。夜雨沈沈好盡杯。

閻杏肩

春寒小閣夢初驚。樓外愁聞微雨聲。長夜孤燈獨
相對。倍增遊子去鄉情。
昨宵喜聽雨瀟瀟。百草郊原長綠苗。一片田園春
氣象。歸心游子夢遙遙。

陳志誠

滿目新春嫩綠枝。甘霖催發萬葳蕤。偶思苗圃蔬
畦日。應是錢耘笠植時。

新亞心聲 第一集

細雨愁繁柳岸隄。垂楊宿草意悽悽。應憐夢訴衾
寒味。忍望歸途路盡迷。

莫廣銓

絲絲細雨草萋萋。搖曳春風拂柳堤。遊子思歸歸
未得。杜鵑猶向我悲啼。
春雨霏霏山色濛。家鄉尋夢醒都空。多情最是清
明柳。脈脈含情薄霧中。

鄭健行

濃煙濕霧曳垂楊。二月江南帶淚妝。好解小舟隨
水去。一天春雨下橫塘。
且乘細雨攜魚去。好撥輕煙載酒來。一笑荒茫滄
海外。雲山濃淡亦蓬萊。
春皇着意潤葱蘢。微雨東來挾好風。只恐瑤臺仙
子笑。芳葩奇卉盡殘紅。

何湏顯

點點池塘細織紋。濛濛春雨看紛紛。藥爐煙濕空
濛裏。添得新愁又幾分。

密雨如煙鎖綠楊。嫩寒輕透薄羅裳。春曉未試郊
原綠。細雨先飄杏蕊香。
輕勻陌上青絲柳。濕透枝頭粉黛容。應謝東君能
潤物。一犁膏雨慰桑農。

郭錦樵

潏潏細雨洗瓊霄。黛色萋迷萬卉嬌。燕語鶯啼山
野遍。輕舟一笑過春橋。
東風如夢意悽悽。雨灑江干柳影迷。花落殘脂流
水去。扁舟搖夢帶春歸。
江南春雨柳隄中。浮動花香意已慵。寂寂唯聞黃
鳥唱。船篷雨打夢初濃。

劉智輝

細雨輕風岸泊舟。子規啼血起離憂。十年客裏愁
如昔。恰似春江不斷流。
絲絲細雨杜鵑啼。淡白愁紅落滿溪。柳岸獨行纏
水氣。青畦處處試春犁。

春晴

黃寶葵

春雨初晴草色萋。杜鵑花發杜鵑啼。百花麗日春
風暖。惹得遊人意欲迷。
碧欄干外碧天圓。夜月沈沈正吐輝。新沸蟲聲鶯
囀罷。天涯遊子苦思歸。

陳幼嫻

春光明媚映朱霞。却卷浮雲露日華。便御清風馳
道去。不期輕拂路旁花。
掩映春光日色閒。陰寒昨夜總難刪。綠楊樹上春
鶯唱。爭報田園春日還。

植柏秦

春光大地布晴暄。讀罷閒來步小園。粉蝶黏花渾
有意。雙雙飛舞過東軒。
幾多韻事話清明。結伴郊原步履輕。花雨一簾春
夢短。喚晴黃鳥兩三聲。

吳廣銓

桃紅李白豔春暉。陣陣芳風柳拂堤。絕憶羊城春
雨後。狂歌載酒踏青歸。

前人

薰風頻送百花香。潏潏晴光惹恨長。獨倚高樓窮
萬里。欲乘玄鶴返家鄉。

何金蘭

花陰雲密鳥忘機。隴上陂間韭葉肥。萬樹桃花春
舞罷。梨花無語蝶低飛。
簾外春寒踏翠樓。絲絲春雨惹人愁。關山恨鎖無
音訊。海角飄零淚暗流。

何須顯

日映羣芳耀眼紅。鶯歌燕語滿東風。尋春不讓花
間蝶。醉倒園林嘯詠中。
晴鳩喚得豔陽天。柳眼桃腮分外妍。蝶使蜂媒如
有意。分香時到畫簾前。

潘榆影

雨後天邊掛彩虹。桃紅柳綠笑迎風。黃鸝陌上歌
新調。一片春光樂意濃。
連綿雨後喜初晴。南陌秧針一片青。粉蝶枝頭歌
舞罷。人間萬物正敷榮。

新亞心聲 第一集

何寶珊

烟霧連番掃碧岑。綺霞春夢看重重。柳眠草醉鶯
聲碎。簾外山圍春意濃。
村外波光海氣生。水邊殘照夕陽紅。雲頭潏潏開
金鏡。水面沈沈臥彩虹。

葉秀蘭

迷濛細雨念芳魂。上嶺梅花滿一村。新夢閒愁銷
不盡。綿綿舊恨更難言。

劉智輝

細雨微風忽報晴。鶯啼蝶舞燕飛輕。春雲朵朵峯
間繞。楊柳絲絲笑臉迎。
曉風輕送散塵香。楊柳堤邊換豔裳。一笑鷓鴣疏
雨止。小池春漲戲鴛鴦。
春雨絲絲濕幾家。殘陽斜映現明霞。愁紅淡白參
差是。深院明朝掃落花。
昨夜迷濛雨未休。今朝忽報日當頭。杜鵑滿院紅
如火。何日東風照九州。

夏齋聽雨

鄭健行

草廬夏日靜。適客酒微醒。千翠搖幽谷。繁聲透曲檻。潏溪鳴碎玉。打葉破銀瓶。顚挽龍君住。中宵入夢聽。

杜志謙

解帶乘篇章。南柯避亢陽。敲窗驚雨急。掀帳逞風狂。辟簾蟬聲寂。滂沱竹影涼。遠看山黛濕。默坐索詩腸。

劉智輝

羣整莽無蹤。聲聲夏雨濃。幽齋人語寂。高閣鳥聲慵。偶聽竹間響。時聞簷角淙。無言思往事。遠寺答清鐘。

何須顯

苦熱蟬聲寂。夏齋一夢涼。風聲時動葉。荷氣每侵房。逸興蕉聲起。幽思竹影張。援琴隨雨響。時復舉吟觴。

廖鉅林

獨坐南軒下。蕭蕭聽雨聲。簷前聞漸瀝。門外看縱橫。緩似針梭舞。急如金鼓鳴。塵思看已滌。真似澤蒼生。

陳志誠

雲頰蟬噪寂。乍聽一雷聲。千點透槐響。一池看水盈。滴簷牽悵意。冷夢動愁情。聊欲琴箏弄。撫弦樂不生。

何金蘭

閒來齋下讀。怕聽雨聲暝。瀝瀝含幽咽。瀟瀟落戶庭。愁人空有淚。孤島可長冥。流浪天涯客。中宵醉綠醺。

何寶堦

叢竹繞芳幃。荷香透四圍。千峯忽送雨。萬木盡無暉。點點河魚落。翩翩石燕飛。人生嘆如寄。把酒待清輝。

廖慧通

雲氣彌天合。高齋夢自幽。孤吟雨聲合。一望海波浮。山影橫青黛。天光閃紫眸。此情堪永憶。輕嘆水東流。

葉秀蘭

陰雲迷丈室。竊日影低樓。帷幕江山繫。郊原草木柔。飄風奔太疾。細雨去難留。滴滴侵幽興。時懷舊別愁。

袁沛生

徂暑炎威畏。添涼一雨雄。空庭閒浙瀝。高閣憑丁東。寄意微風遠。忘情逝水同。親朋艱把晤。雨泣怨蒼穹。

潘榆影

亂鴉簫聲唳。夏雨匿青霞。寂寂蕭齋冷。紛紛四野嗟。殘前聲浙瀝。路際樹樵柯。此曲過仙輿。聲聲吹玉笳。

新亞心聲 第一集

葉紹炳

日落山居靜。忽來風雨聲。濃雲奔海怒。急雨打花驚。滴滴招人怨。聲聲動客情。憑軒餘極目。腸斷九州晴。

麥婦嫻

炎天真鬱悶。暑氣襲層城。偶得酣朝雨。終看失午晴。遠山空翠影。小澗落紅聲。欲聽瀟瀟響。愁心滴到明。

郭惠冰

荷香透竹樞。小几讀黃庭。萬籟無聲發。千愁有夢聽。短簷飛鐵馬。飛瀑碎銀瓶。清露芭蕉滴。芳洲苦畫冥。

閻杏眉

齋居展卷讀。乍起疾雷驚。鷗夢高天迴。龍腥八海橫。瀟瀟來密竹。寂寂坐愁城。一嘆鄉關遠。何年返舊京。

新亞心聲 第一集

蔡晉生

浮沼蓮香遠。橫窗竹影搖。曉雲驚燕下。窮海毒龍驚。點點穿窗冷。聲聲隔夢遙。悠然忘舊事。頃刻惹飄凋。

鍾寶合

古訓聽顏室。驕陽忽畏羞。戶間窗欲暗。野外簾先秋。滴滴驚幽夢。瀟瀟起別愁。故園災禍溢。宿鳥不勝憂。

黃育順

晴光雲裏逝。浙浙落甘霖。宿鳥啼聲急。殘花淚點侵。狂飄翻屋瓦。綫落濕衣襟。滴滴催詩語。孤思夜語深。

梁沛錦

蟬鳴催荔熟。蟋蟀戲螳螂。荷葉送香氣。蕭蕭聽雨涼。絲絲看織恨。陣陣喜浮觴。感此懷今昔。飄零每自傷。

四二

張延寶

夏日苦難支。偏逢夜雨時。聲聲催敗葉。滴滴打清池。勾起一縷恨。難教兩地知。流波終日逝。曲罷不勝悲。

潘正英

愁雲迷曙氣。亂水響瀟瀟。恨淚驚鄉夢。幽心答海潮。孤風斜竹柏。苦雨濕芭蕉。碧樹蟬聲碎。淒淒更寂寥。

黃月弟

齋居方苦熱。靜聽打蕉聲。却暑風掀幙。生涼竹滿庭。朝暉嗟頓失。午夢看初成。流水高山下。瀟瀟弦管鳴。

駱鏗祥

夏日柳陰濃。齋中動戚容。驚聞豪雨下。忽覺怒濤衝。滴滴鳴窗紙。蕭蕭濕嶺松。大千聲已徹。何地覓萍蹤。

龍 楨 祥

憑案誦騷辭。驟聞窓外漸。聲聲催敗葉。點點降
清池。冷逼尊前淚。愁生別後思。癡心望歸夢。
垂淚漸成絲。

大 雨

黃 寶 葵

天際垂玄幕。烏雲蔽太空。銀河看傾瀉。碧海入
迷濛。翠水瀾蒼昊。高邱影彩虹。悠悠念羣燕。
何術拯哀鴻。

植 柏 秦

滂沱夏日雨。傾落溢蓮塘。雲濕芝闥室。雷侵薜
荔房。連朝風解愠。終日雨添涼。陣陣心脾冷。
潸然念故鄉。

何 全 蘭

大雨傾盆下。山洪瀉欲狂。千村盡號哭。四野轉
汪洋。路斷車輿絕。波翻人畜傷。雨師嗟不作。
一作釀千殃。

葉 秀 蘭

久旱逢滋潤。禾田象更新。千山迎雨伯。八海送
風神。茅舍悲啼久。危樓嘆息頻。身為禪寺客。
嗟爾苦耕人。

何 須 顯

急雨傾盆下。添涼枕易秋。空濛迷遠樹。迢遞入
高樓。點點侵鄉夢。聲聲動客愁。芭蕉無賴甚。
一夜白人頭。

葉 紹 炳

天日濃雲蔽。風狂吼一樓。駭濤掀怒海。飛雨打
沙洲。鳥雀啾啾懼。松杉瑟瑟愁。飄零餘極目。
遊子夢悠悠。

廖 慧 通

雲沈天色暗。孤鳥恐歸遲。銀箭飛無盡。金尊醉
不辭。波濤看得意。濕漏起長噓。雷吼啼聲弱。
遙聞轉益悲。

新亞心聲 第一集

鍾寶合

蒼天傾苦淚・嘆色寒荒丘・盪魄雷初閃・驚心雨
亂投・聲聲摧好夢・寂寂感離愁・屋漏故人遠・
殘痕何處求・

郭錦焦

一雨橫空下・山城頓撼搖・高簷飛瀑掛・馳道電
車飄・屋漏移牀避・溝深迫浪消・蒼黎憂潦患・
不寐入中宵・

閻杏眉

空際金光閃・聲聲起巨霆・疾風掃莊塢・狂雨襲
茅亭・蜃氣人間見・蛙聲田際醒・玄雲何浩漫・
天海兩冥冥・

陳長城

陰雲橫碧落・疾電裂山鳴・鬧市行人絕・幽林猛
獸驚・長風摧敗葉・大雨浴腥城・淚訴高天遠・
何時欲轉晴・

四四

潘榆影

陰霾滿六合・雲氣忽飛揚・大雨滂沱下・春雷震
盪狂・窮廬茅屋漏・高閣畫樑涼・一夕無情雨・
窮氓盡悵惶・

莫廣登

一夜滂沱雨・樓頭寒意多・淒涼橫道路・澎湃動
江河・繡閣猶餘夢・高樓有獨哦・故人懷不至・
雞唱五更歌・

劉智輝

墨潑層雲合・橫風滿小樓・瀾天銀漢瀉・遍野碧
波流・農事悲耕耨・漁師望鰓鮪・穹蒼何獨忍・
百姓倍增憂・

袁沖生

倒捲銀河瀉・浮空墮海城・珠簾淒自下・玉漏靜
無聲・山氣連朝暗・溪痕幾尺盈・夢中疑是幻・
千柳繫羈情・

潘正英

山中花葉落。雨後起飄風。閃電驚重稚。驚雷震老翁。雲垂起濤浪。海立壓艤幢。汗漫天水池。飄飛苦塞鴻。

何寶桐

百里揚波急。千峯送雨狂。電光穿壁竅。風勢裂山長。谷瀉一重水。濤翻萬頃塘。路人驚欲死。愁起百蟲僵。

陳幼桐

昨日陽光漏。平空妒雨神。千山沈碧霧。四野盪黃塵。葉動驚棲鳥。潮騰起泛鱗。高簷猶屏漏。陋巷欲何陳。

清明

司徒天正

蕭蕭春色暮。寒食復清明。綠柳含煙發。繁花帶雨榮。浮雲人意幻。淺草客愁生。杜宇聲聲裏。彌添故國情。輕風花影動。啼鳥曉芳晨。霧重漫山暗。愁多入夢頻。天涯羈旅意。雲外故鄉春。故里春深際。應無掃墓人。

曾省

細柳倦春意。小園花影稀。他鄉已寒食。故國夢重歸。腸斷非今日。鵲啼送晚暉。此心雖有寄。但恐故人違。

細雨送清明。江城客夢驚。盈盈遊子淚。處處杜鵑聲。芳草爲誰碧。繁花亦自榮。故園楊柳發。知否亂離情。

重九

曾省

照眼黃花處處明。西風吹夢客心驚。登臨暫雪新亭恨。隱遯欲尋彭澤名。千里關山成隔世。一江碧水歎無情。天涯誰解思鄉淚。日暮愁城煙霧生。

庚子歲首書懷

司徒天正

爆竹掀天擾夢頻。平明始覺歲華新。不因俗客尋歡伯。惟對春光念故人。守默還懷蘭茝志。安貧何用嘯歌身。高樓曉起憑欄望。山壑雲開雨正勻。

無題

曾省

十年客路苦侵尋。未覺桃梅綠已深。此日故交誰
父執。幾時幻夢尙童心。樽前真有逍遙意。醉後
寧無放浪吟。世事悲歡原各半。莊生齊物可追尋。

哭父詩

司徒天正

別子離妻事可哀。更堪此去再無回。美洲風土多
霜雪。憐父身單夢未迴。
一抔黃土亂花飛。從此親容痛已非。漠漠重溟千
萬里。羈魂何日故鄉歸。
魄散魂飛書一封。可憐重聚夢成空。傷心怕聽生
前事。獨向遺編弔舊蹤。
父別兒時涕尙垂。廿年回首有餘悲。早知父竟泉
臺去。應作哀啼莫遠離。
別後常思未展眉。可憐人去負歸期。傷心阿母情
難已。泉下幽魂知不知。
白楊衰草伴晨昏。今世幽明痛永分。惟念清風風
雨裏。誰從海外掃孤墳。

夏日齋居讀書

鄭健行

晝永蟬聲寂。焚香好讀書。心同高士逸。意與白
雲舒。山鳥常爲客。清風獨伴予。倦微宜少臥。
漏日小簾疏。

何須顯

幽居遺世事。夏景入窗明。風弄荷花影。雨傳竹
葉聲。讀書忘暑熱。覓句覺蟬清。晝永齋中靜。
薰風似有情。

劉智輝

靜寂南窗下。不聞車馬聲。好吟開卷籍。輕世薄功名。硯潤研香墨。閒多抱古箏。怡然長寄傲。意與孔叢盟。

葉秀蘭

芳宅苦無琴。齋居悶賞音。竹寒依苑水。荷淨透羅衾。夏日還餘照。薰風亂入林。香花與閒意。相對亦忘吟。

袁沛生

招風槐獨秀。解慍柳爲媒。夢遠嗟無際。辭淵歎獨迴。低頭吟杜句。舉目念陶杯。此意彌天地。悠然樂自來。

廖慧通

山幽居草屋。把卷獨閒吟。蟬唱隱高樹。泉流飛遠音。獨懷高士志。長喟世人心。風拂知人意。日長林木深。

新亞心聲 第一集

潘榆影

夏日綠窗明。薰風拂面輕。枝頭朝雀噪。池畔晚荷迎。一卷空齋讀。羣賢斗室盈。悠然復自得。徒笑世營營。

郭惠冰

蕉影綠分紗。青圍一桁花。焚香靈瑣靜。養老智珠華。舊籍宜尋味。新編復自誇。小齋閉門讀。忘世避人譁。

駱鏗祥

夏日課潛修。齋居豈有求。天疑九重遠。人在半空浮。遠黛青如染。斜陽醉欲流。心疑艱釋卷。一誦解千愁。

麥婦娣

孟夏琴書潤。薰風自扇和。流觀高士傳。泛覽采蓮歌。馬跡稀庭館。蟬聲鬧薜蘿。時還弄柔翰。述古樂如何。

蔡晉生

寒日懸清曉。披襟念好風。聽泉古苑外。伏枕書樓中。義理六經載。賢豪一夢通。身涼心已定。樂趣自無窮。

陳幼嫻

窗前松映月。雋意伴涼襟。書讀重門應。蟲鳴四野暗。十年游子恨。千載古賢心。何患無人問。飛騰自異今。

鍾寶令

荒郊炎可畏。書舫記曾經。桐蔭垂瑤砌。荷香滿錦庭。低頭塵念遠。高唱佛鐙青。意在真源索。須臾集萬靈。

何寶桐

柳青圍紙帳。槐綠蔭紗窗。吟杜茫蒼句。歌秦抗陸腔。孟詩競韓筆。陸海勝潘江。香氣荷風送。新愁入酒缸。

何金蘭

荷香清撲鼻。竹影綠窗橫。琴韻啼鶯靜。書聲夢蝶驚。低吟蘇子句。長拜杜公名。偶得書中味。怡然夏日情。

陳志誠

槐蔭齋居靜。開軒夢自涼。荷清蠲世慮。荔蜜沁心香。趁暇當披卷。偷閒漸面牆。五車時展讀。萬軸益詩腸。

前人

蟬聲傳遠樹。蔭綠送風清。軒敞永執止。風聲卷帙橫。詩書滋道遠。茗粥味津生。綺歲珍時寶。潛修薄利名。

前人

齋居山夏寂。獨意謝繁酬。蔭密炎思解。軒涼扇用休。書深忘欲睡。景美懶尋幽。但願長無擾。芸窗樂自修。

Printed by

Tang Ling Po School

Tin Krong Road, Hanoi

Hong Kong

BC

26

0